

տառ ընելով զայն. մենակեացը հետեւեցաւ զազանին
 և ըսաւ անոր. «Ձեմ կրնար ճամբաս լմնցնել, վասն
 զի ըստ բաւականի երիտասարդ և զօրաւոր չեմ կը-
 րելու բռնս, պէտք է ուրեմն դուն տանիս զայն եւ
 քիչ մը հրաժարիս քու բնական վայրենութենէդ»: Ա-
 ուիւծը իր գգուանքներով վկայեց թէ պատրաստ է հը-
 նազանդելու բարեպաշտ մենակեացին կամքին և բե-
 ուր կրելով իր կոնակին վրայ՝ գնաց մինչև Կեսարիոյ
 դռները (D. Lg. 1515-1516):

ձեկիւն. — ձէնինը հին Engannimն է որ կը նշա-
 նակէ աղբիւր պարտիզաց: Աւետեաց երկրին բաժան-
 ման ժամանակ ան տրուեցաւ Խաքարի ցեղին և ե-
 ղաւ Ղևտական քաղաք մը (Յեւ. ԻԱ. 29):

Ձ. դարուն հոն կը տեսնուէր եկեղեցի մը որուն
 մնացորդները կը գտնուէին երկու մզկիթներէն մէ-
 կուն մօտ:

Այս քաղաքը պատմութեան մէջ ունի գեր մը
 չունի, բայց Սամարիոյ և Գալիլիայի սահմանին վրայ
 կը գրաւէ կարեւոր դիրք մը: Քաղաքը շրջապատուած
 է առատ բուսականութեամբ պարտէզներով ուր կան-
 նաւ արմաւենիներ: Բացի իսլամներէն՝ հոն կը գըտ-
 նուի քրիստոնեայ փոքր համայնք մը (Bar. gd. էջ
 342):

Շատ հին աւանդութեան մը համաձայն Յիսուս
 տասը բորտներու բժշկութեան հրաշքը կատարած է
 Այն Կաննիւն, այժմ ձէնին, որ Յիսուսի ժամանակ
 պարզապէս կը կոչուէր արաբերէն Կիննին կամ Կին-
 նէա (պարտէզներ), բայց տեղ մը՝ որ յետոյ հռչակ
 ունեցաւ տօնի առթիւ Երուսաղէմ գացող Գալիլիացի
 ուխտաւորներուն հանգէպ իր թշնամական դիրքովը՝